

MEMORIA XUSTIFICATIVA DO CONVENIO DE COLABORACIÓN ENTRE A ADMINISTRACIÓN XERAL DA COMUNIDADE AUTÓNOMA DE GALICIA A TRAVÉS DA CONSELLERÍA DO MEDIO RURAL E AS ENTIDADES FINANCEIRAS PARA FACILITAR OS PRÉSTAMOS DE FINANCIAMENTO DE CAPITAL CIRCULANTE EN EXPLOTACIÓNS AGRARIAS, GARANTIDOS POLO INSTRUMENTO FINANCEIRO DE XESTIÓN CENTRALIZADA (PDR 2014-2020), E CON SUBSIDIACIÓN DOS TIPOS DE XURO POR PARTE DA CONSELLERÍA DO MEDIO RURAL

ANTECEDENTES

O Marco Nacional de Desenvolvemento Rural aprobado pola Comisión Europea, mediante Decisión do 13 de febreiro de 2015, en aplicación do disposto no Regulamento (UE) nº 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo e da Pesca, e polo que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e da Pesca, e derrógase o Regulamento (CE) nº 1083/2006 do Consello, inclúe no seu apartado 5 un instrumento financeiro plurirrexional de adhesión voluntaria destinado a financiar determinadas actuacións contidas nos programas de desenvolvemento rural.

As medidas do Programa de Desenvolvemento Rural de Galicia 2014-2020 ás que corresponden as actuacións que poden ser obxecto de financiamento a través do instrumento financeiro inclúen, entre outras, a medida 4.1 (apoio a investimentos en explotacións agrícolas). Nesta medida figura establecida a posibilidade de garantir con fondos Feader préstamos garantidos para capital circulante en explotacións agrarias, xestionado en colaboración co Ministerio de Agricultura, Pesca e Alimentación (MAPA), a través do Instrumento Financeira de Xestión Centralizada.

O recoñecemento do dereito a estes préstamos garantidos caracterízase pola participación das entidades financeiras, que deben estar adheridas ao instrumento financeiro a través do correspondente convenio co MAPA, así como a un convenio específico coa Consellería do Medio Rural ao ser entidades colaboradoras na xestión das solicitudes de recoñecemento do dereito a préstamo garantido polo devandito instrumento financeiro.

CONSELLERÍA DO MEDIO RURAL
Dirección Xeral de Gandaría, Agricultura e Industrias Agroalimentarias
Edificio administrativo núm. 4 de San Caetano, 2ª planta
15781 Santiago de Compostela
Teléfonos: 981 544 777 // 881 999 070
mediorural.dxgaia@xunta.gal
mediorural.xunta.gal



FINALIDADE

É prioritario para a Consellería do Medio Rural facer posible que as persoas titulares de explotacións agrarias dispoñan de capital circulante suficiente para manter a viabilidade das súas explotacións, tendo en conta en especial a evolución á alza dos prezos das materias primas experimentada nos últimos meses, e agravada posteriormente pola invasión rusa de Ucraína, o que implica a necesidade de dotar de liquidez aos sectores económicos máis afectados, entre os que se atopa o sector primario. Por esta razón, e co fin de axudar ás persoas titulares das explotacións agrarias a afrontar a difícil situación actual, considérase necesario fomentar a utilización do Instrumento Financeiro de Xestión Centralizada, e mesmo mellorar as súas condicións ordinarias, mediante a subsidiación dos tipos de xuro establecidos no dito instrumento, a través de axudas complementarias financiadas con fondos propios da Comunidade Autónoma de Galicia.

De acordo co indicado, a Consellería do Medio Rural está a tramitar unha orde mediante a que se regulará o procedemento para o recoñecemento a titulares de explotacións agrarias do dereito a subscrición de préstamos para o financiamento de capital circulante, garantidos polo Instrumento financeiro de xestión centralizada Feader 2014-2020, no marco do Programa de desenvolvemento rural de Galicia 2014-2020, cofinanciado polo Fondo Europeo Agrícola de Desenvolvemento Rural (Feader). Ademais, esta orde incluírá a convocatoria para unha axuda complementaria a subsidiación dos tipos de xuros ao abeiro da Lei 9/2007, de 13 de xuño, de Subvencións de Galicia, que será financiada con fondos propios da Comunidade Autónoma de Galicia.

De conformidade co disposto no artigo 9 desta lei, na orde de convocatoria preverase que na xestión deste procedemento poderán participar como entidades colaboradoras as entidades financeiras que subscribisen co MAPA o convenio de colaboración para facilitar os préstamos garantidos polo Instrumento Financeiro de Xestión Centralizada, sempre que formalicen un convenio de colaboración específico coa Consellería.

Por todo o anterior a Consellería do Medio Rural considera necesario subscribir convenios coas entidades financeiras que estando adheridas ao Instrumento



Financeiro a través do correspondente convenio co MAPA estean interesadas en colaborar na xestión destas axudas.

OBXECTO

O obxecto destes convenios é establecer a forma e as condicións nas que se desenvolverá a colaboración entre a Consellería do Medio Rural e as entidades financeiras para facilitar o acceso ao financiamento do capital circulante das explotacións agrarias, mediante a habilitación de préstamos garantidos polo instrumento financeiro de xestión centralizada FEADER 2014-2020 e con tipos de xuro subsidiados por parte da Consellería do Medio Rural.

RÉXIME ECONÓMICO

A sinatura destes convenios non implica ningún compromiso de gasto con cargo aos orzamentos da Consellería do Medio Rural.

Santiago de Compostela, data da sinatura electrónica

O director xeral de Gandaría, Agricultura e Industrias Agroalimentarias
Silvestre José Balseiros Guinarte
(documento asinado dixitalmente)

